



Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtd@jtbd.ba
Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtd@jtbd.ba

Broj: T18 0 KTD 0017607 24
Brčko: 14.06.2024. godine

O P T U Ž N I C U

Protiv:

V. S. (...)

Što je:

Večeri 27.03.2024. godine oko 21,20 časova u Brčkom u ulici Evlige Čelebiće upravljao putničkim motornim vozilom marke „VW Passat“ registarske oznake... i kretao se iz pravca ulice Željeznička u pravcu ulice Sulje Kahrimana, u uslovima noćne vožnje sa slabom vidljivošću, kršeći pri tome elementarne saobraćajne propise jer je vozilom upravljao bez položenog vozačkog ispita i sticanja prava na upravljanju motornim vozilima, što je suprotno odredbi člana 172. Zakona o osnovama bezbjednosti saobraćaja na putevima u BiH, a istovremeno vozeći tada pod dejstvom alkohola u organizmu od 2,40 g/kg što predstavlja stadij teškog pijanstva, pri čemu se kod takve osobe pojavljuje vazomotorna, pshimotorna i muskulomotorna uzetost, a objektivno procjenjivanje situacije potpuno nedostaje, dok su pažnja i percepcija jako površni i kratkotrajni, a povremeno se i gube, što je sve dovelo da se isti nalazio u stanju smanjene uračunljivosti, uslijed čega je bio apsolutno nesposoban za samu vožnju, a kamoli pravilnu i bezbjednu, što je sve suprotno odrebi člana 174. Zakona o osnovama bezbjednosti saobraćaja na putevima u BiH, pri čemu je preglednost kolovoza bila smanjena zbog noćnih uslova na oko 50 metara gdje ne postoji vidljiva razdjelna kolovozna traka, a ispred njega se nalazila i desna oštra krivina koja nije obilježena vertikalnom saobraćajnom signalizacijom pri čemu sve njegova brzina kretanja od oko 50 km/h nije bila prilagođena konkretnim uslovima vožnje, te osobinama i stanju puta što je suprotno odredbi člana 43. stav 1. Zakona o osnovama bezbjednosti saobraćaja na putevima u BiH, dodatno propuštajući da se suprotno odredbi člana 39. stav 1. i 2. istog Zakona pravilno u kretanju drži svojom ivicom kolovoza, uslijed čega je iako je sa tehničkog aspekta imao prostorno i vremensku mogućnost izbjegavanja kontakta, izgubio kontrolu nad vozilom, pa prednjim desnim dijelom svog vozila udario u prednju desnu bočnu stranu parkiranog vozila VW „Passat“, registarski oznaka ..., vlasništvo L. A. koje je u tom momentu bilo parkirano na desnoj strani puta gledano u pravcu kretanja S., uslijed čega njegovo vozilo nastavlja nekontrolisano kretanje u lijevu stranu i čeonim dijelom vozila udara u metalnu dvorišnu ogradu, betonski temelj ograde i fasadu zida kuće vlasništvo O. S., a koje se nalazi sa lijeve strane puta gledano u pravcu kretanja S., zbog čega sve saputnik u vozilu Mldb 1, rođen 28.09.2011. godine koji je sjedio na zadnjem sjedištu zadobjiva lake tjelesne povrede u vidu nagnjećenja lijevog ramena, lijeve strane grudnog koša i lijeve potkoljenice, dovodeći u opasnost njegov život kao i život ostalih saputnika u vozilu oca Mldb 1, H. A. i mldb. brata sedmogodišnjeg Mldb 2.

dakle, pod uticajem alkohola upravljao motornim vozilom, iako je zbog toga očito bio nesposoban za sigurnu vožnju i time tako ugrozio javni saobraćaj na cestama dovodeći u opasnost život i tijelo ljudi

čime je, počinio krivično djelo – Ugrožavanje javnog prometa uslijed omamljenosti iz člana 327. stav 1. Krivičnog zakona Brčko distrikta BiH

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.